



**Claudii Fleurii Abbatis Historia Ecclesiastica**

Ab anno Christi 1558. usque ad annum 1560

**Fleury, Claude**

**August. Vind. [u.a.], 1771**

**VD18 90118588**

§. 50. Illyrici liber, cui titulus: Catalogus testium Veritatis.

---

[urn:nbn:de:hbz:466:1-66800](#)

primæ quatuor præter quamdam quin- Sæcul. XVI.  
 tæ centuriæ partem Magdeburgi, quin- A.C. 1560.  
 ta Genevæ, sexta in exilii loco, in quem  
 Illyricus, Wigandus, & Judex missi fue-  
 rant, septima in Megalopolensi ditio-  
 ne, sequentes denique in Wismariensi  
 ejusdem Ducatus urbe fuerint compo-  
 sitæ. Celebrior ceteris habetur editio  
 Basileensis tribus majoris formæ volu-  
 minibus cura Ludovici Lucii Anno mil-  
 lesimo sexcentesimo vigesimo quarto  
 absoluta: porro cum horum Centuria-  
 torum scopus unice eo collimet, ut Ec-  
 clesiam Romanam calumniis, ac men-  
 daciis proscindant, suam vero Refor-  
 mationem stabiliant, hinc doctissimus  
 Cardinalis Baronius suos Annales Ec-  
 clesiasticos conscribere aggressus est,  
 eosque hisce centuriis opposuit.

## §. L.

*Illyrici liber, cui titulus Catalogus  
testium Veritatis.*

**I**dem quoque Illyricus Anno millesimo  
 quingentesimo quinquagesimo sexto  
 Basileensibus literis excudi curavit aliud  
 opus, quod postea Anno Christi mil-  
 lesimo quingentesimo sexagesimo secun-  
 do Argentinæ iterato prælo fuit sub-  
 jectum, huncque titulum præfert:  
*Catalogus testium veritatis.* Verum sub  
 eodem titulo postmodum Anno millesi-

Rr 5 me

**Sæcul. XVI** mo quingentesimo sexagesimo quinto  
A.C. 1560. Guilielmus Eisengrenius Scriptor Catholicus natione Germanus Dilingæ a liud opus imprimi fecit, porro utrumque continet Catalogum Scriptorum Ecclesiasticorum, qui sui ævi hæreses, ac præcipue nostræ ætatis sectas impugnabant, ac refellebant. Ceterum novissimarum hæresum nomine Eisengrenius intelligit Protestantes, seu omnes illas societas seditiosas, quæ turpi schismate a Sedis Apostolicæ unitate rececesserunt: ex adverso Illyricus, qui prior scripserat, eique Eisengrenius suum opus opposuerat, sui ævi hæreticos appellat Catholicos, qui haud violata fide Christo Domino in sinu Romanæ Ecclesiæ sub auctoritate Pontificis uniti persistenterunt. Ast Illyricus in suo opere ubique specimina edidit cæcæ suæ impudentiæ, qua incitatus quamplurima effutiit, haud discutiens, an ea, quæ dicit, suo proposito congruant, vel eidem disconveniant.

## §. LI.

*Antiqua Missa ab Illyrico typis edita.*

Colomiez  
Bibl. chois.  
p. 12.

Sub idem tempus Illyricus ex quibusdam Bibliothecis, quas lustrare ipsi datum erat, quamdam de promperat veteris Missæ formam, cui titulus erat sequens: